

重刊新樂縣志序

民國念六年蘆橋變起黨軍敗退本縣范前縣長（綏之）以及所屬員司逃亡一空彼時縣政無人主持形成從來未有之混亂狀態致城內署衙並公有廬舍悉被搗毀不堪文案卷宗以及所藏縣志亦隨之損失淨盡矣旋經友軍第一靖鄉隊到達多方指導始於新長兩地先後成立治安維持會嘉會受鄉紳耆老之督促義不容辭乃出任東長壽治安維持會會長幸賴諸同仁之努力將極艱難險惡之時期得以渡過復蒙政府不棄寵命優加使宰斯邑就任之初深愧才輕任重殊覺綆短汲深無如威命難却惟有克盡棉薄矢誠盡瘁已耳且以舊縣城之非僅破壞不堪占用而又偏處一隅政令修阻遂呈准暫於東長壽設署辦公邇來上憲爲週知各縣情況迭次徵集縣志嗣經多方蒐求始獲一帙於魯壁爲應當前之急需且恐來日縣志之湮失未暇脩正遽而重刊焉是爲序

中華民國二十八年七月三十日

新樂縣知事宋嘉會謹識

新樂縣志序

古者列國有史魯郡縣天下史亡而志作矣邑無志弗徵志可闕歟萬
厯庚寅菊公張侯來令新樂未幾均徭役平賦稅勸農桑興學校凡百廢
弛無不振舉迺詢及於志得舊編覽而歎曰俗移於時之屢遷難以舊文
徵也於是禮延學博陳君賈君張君暨學生李子鵬程默子鍾霍繼經傳
蒐書牒遐鉤旁搜有稽輒錄別例著凡分爲十卷析目四十有六上繫星
野以志天文下繫建置城池疆域山川勝景古蹟以志地理中繫職官名
宦選舉人物孝行列女風俗雜記以志人文併繫土產公署學校祠祀橋
梁貢賦以志物采且體遵大明一統志事參禹貢周禮職方等書三閱月
編摩告竣詳而有體核而不靡瞻而不逸時而不違郁乎郁志哉爰付剞
劂命余爲序余世人也仰荷張侯之識治體深多三博之備史才俾二生
之得效尺寸也烏敢以不文辭耶夫古語有云地因人而勝又云其人存

則其政舉故此憲一出庶官斯生斯者觀成憲而法前修慕遺踪而景先
哲則上有所師而臻善治下有所激而成善俗其有補於政教豈淺鮮哉
此固侯修志之初意余併著之以爲將來者望焉

萬曆辛卯秋八月既望

承務郎兩淮都轉運鹽使司運判治下生儲齋李有本沐手謹序

新樂縣志序

國史與邑志相爲表裏史職要而志職詳藉非及時蒐錄將世遠年湮有爲纂記所不及詳者寧非守土者之責歟顧志不惟其文而惟其事且不惟其事而惟其事之足以徵文獻而乘法戒故事有地縣而言亦異彼撫拾鈔胥無關勸懲固未足以信今而緣飾虛文汨沒其寔尤未可傳後也
新樂古鮮虞地於今近輔

京畿冠蓋接令斯邑者紛擾繁會疲於奔命而俗尙渾樸實任自然紀載一書置之弗講久矣方今

聖天子右文稽古輝煌萬國輿圖憲臺敷化宣猷編次一省通志蒞斯土者失此不舉將亥豕魯魚之莫辨殘編斷簡之難稽矣余雖自慚謏劣間取舊本繙閱初脩於前明張令正蒙再脩於

國朝林令華院在昔發凡起例彙爲十志由天文地理終之以雜志其分門

別類自可囊括無遺續之者亦即依類而纂次焉余方欲彙集而振新之
媿未遑也但計林令續脩之年距今又近百載其間風景之變遷人物之
繁盛與夫制作創造墜舉廢修有關民生之計者任其湮沒無傳可乎余
方拳拳於邑志之修喜諸紳士之先得我心也爰是旁搜廣覽事取其大
文刪其繁如爲編次附綴於前志之末固知非修乘者之典要惟是考實
而不同鈔胥錄文而不尙緣飾俾後起之彥得所憑藉不抱世遠年湮之
憾則於人心世俗之防政事張弛之要一一可以信今而傳後者關係詎
不大哉因爲之序

時

乾隆二十二年歲次丁丑秋九月之吉

特授文林郎知新樂縣事加三級軍功加隨帶一級紀錄一次又記功四次麻
廷璫謹序

重修新樂縣志序

郡邑有志補史之闕也文義徵實與人以信也然必隨時蒐輯始可信今而傳後新邑舊志自乾隆二十二年令麻公重輯至今百有餘載未經續修其間事蹟人物磨滅不彰者曷可勝道竊思世運變遷關乎風俗風俗轉移由於人物我

朝作人化久膺士恩深即僻壤遐陬且多碩彥況新邑地近

神京沐化較易其人文彙萃定奚如之聽其湮沒亦守土者咎春三月余蒞茲土下車伊始即彙集紳耆會議此事嘗以年湮世遠稽考維艱余踟躕者久之茲值

憲臺設局彙纂

畿輔通志郡司鐸趙鯉門公蒙派正定屬修志提調公不憚勤勞徵文者獻詳加編輯是歲冬新志告竣寄質於余公暇展閱見其編次目錄即舊志而

垂爲更訂繁者刪之略者詳之粗者精之遺者補之井井有條昭然不紊
使新邑百餘年之事蹟以事人物以傳者皆公之力也展矣臚公先得我
心懷之君子覽斯編而鼓舞振興焉是余之厚望也夫爰贅數語以誌不
忘

欽加同知銜知新樂縣事加三級紀錄五次江右徐干雷鶴鳴謹序
時

光緒十一年歲次乙酉冬月

穀旦

重修新樂縣志姓氏

總纂

五品銜正定府教授己酉舉人趙文濂

涿水縣人

纂修

欽加同知銜

知縣新樂縣事
戊午舉人

雷鶴鳴

江西餘平縣人

欽加五品銜

知縣用兼理新樂縣
知縣正定府經歷

葉向榮

奉天承德縣人

欽加同知銜

賞戴藍翎正定府
山縣調署新樂縣知縣

石岷山

河南汝陽縣人

協修

候選教授儒學教諭癸酉舉人杜蔚

蔚

滑州人

五品銜儒學訓導戊午舉人李汝廉

交河縣人

校閱

六品銜新樂縣典史生員劉泰

泰

河南武陟縣人

採 恩 拔 貢

廩

貢 貢 生

生

訪

相汝典

陳嘉榮

趙清廉

秦國藩

默貞

薛映奎

黃克讓

李得祿

張桂

謝緒

相汝翼

默如金

蘇廣陰

韓修文

謝殿嘉

張林

田芝祥

張之瑞

張福履

王夢星

賈博

張延槐

相汝爲

增

生

附

生

貢 監

生 生

孫崇德

孫得衆

李殿傑

張紹良

薛 鉢

裴文煥

相 儼

劉探環

田 竹

耿 端

丁吉隆

薛秉珣

田鳳儀

錄

廩 膳

生

王 桂

高明德

張樹棠

相 俊

相 儒

李世楷

陳元煦

張自明

張奉挺

劉毓琦

河南武陟縣人

附 增

生 生

對 康 附

生 生

杜

芹

滄州人

讀

沈登瀛

劉殿魁

繪

圖

舊縣城圖

北



